

श्री रामायण विसर्जन वंदना,

जय जय राजा राम की,
जय लक्ष्मण बलवान ।
जय कपीस सुग्रीव की,
जय अंगद हनुमान ॥

जय जय कागभुशुण्डि की,
जय गिरी उमा महेश ।
जय ऋषि भारद्वाज की,
जय तुलसी अवधेश ॥

बेनी सी पावन परम,
देनी श्रीफल चारि ।
स्वर्ग नसेनी हरि कथा,
नरक निवारि निहारि ॥

कहेउ दंडवत प्रभुहि सन,
तुमहि कहउँ कर जोरि ।
बार बार रघुनायकहि,
सुरति करायहु मोरि ॥

अर्थ न धर्म न काम रुचि,

गति न चहउँ निर्वान ।
जनम जनम रति राम पद,
यह वरदान न आन ॥

दीजै दीन दयाल मोहि,
बड़ो दीन जन जान ।
चरण कमल को आसरो,
सत संगति की बान ॥

कामहि नारि पियारि जिमि,
लोभहि प्रिय जिमिदाम ।
तिमि रघुनाथ निरंतर,
प्रिय लागहु मोहि राम ॥

बार बार वर माँगह,
हरषि देहु श्रीरंग ।
पद सरोज अनपायनी,
भगति सदा सत्संग ॥

एक घड़ी आधी घड़ी,
आधी मह पुनि आध ।
तुलसी चर्चा राम की,
हरे कोटि अपराध ॥

प्रनतपाल रघुवंश मनि,
करुना सिन्धु खरारि ।

गहे सरन प्रभु राखिहैं,
सब अपराध विसारि ॥

राम चरन रति जो चहे,
अथवा पद निर्वान ।
भाव सहित सो यह कथा,
करे श्रवन पुट पान ॥

मुनि दुर्लभ हरि भक्ति नर,
पावहि बिनहि प्रयास ।
जो यह कथा निरंतर,
सुनहि मानि विश्वास ॥

कथा विसर्जन होत है,
सुनउ वीर हनुमान ।
जो जन जंह से आए हैं,
सो तंह करहि पयान ॥

श्रोता सब आश्रम गए,
शंभू गए कैलाश ।
रामायण मम हृदय मँह,
सदा करहुँ तुम वास ॥

रावणारि जसु पावन,
गावहि सुनहि जे लोग ।
राम भगति दृढ़ पावहि,

बिन बिराग जपजोग ॥

राम लखन सिया जानकी,
सदा करहुँ कल्याण ।
रामायण बैकुंठ की,
विदा होत हनुमान ।

॥ सियावर रामचंद्र की जय ॥

प्रेषक शेखर चौधरी,
मो 9074110618

श्री रामायण विसर्जन वंदना का वीडियो उपलब्ध नहीं है ।
सम्पूर्ण सुन्दरकाण्ड पाठ यहाँ देखें

Source: <https://www.bharattemples.com/shri-ramayan-visarjan-vandana/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>